



Aningaasaqarnermut Nunanullu Allanut Naalakkersuisoq

Marlunngornermi ulloq 7. november 2006-imi Aningaasaqarnermut Ataatsimiititaliap aalajangiinera pillugu Naalakkersuisunut ilisimatitsineq - Suliaq nr. 01.31.06/06-00200
(Naalakkersuisut siulittaasuata aalajangiinera ulloq 26. oktober 2006, imm. 2)

Sisimiuni reeferinut ikkuffiit amerlineqarnissaat

Naalakkersuisut **inassutigaaat**,

- kontomi pingaarnermi 87.73.11 Sanaartugassat umiarsualivinnut tunngassutillit, suliassamut nr. 080.24.110 Reeferinut ikkuffiit amerlineqarnissaat Sisimiut, aningaasaliissutit 1.550.000 kr.-inik qaffanneqassasut.
- kontomi pingaarnermi 80.00.01 Nuussinissanut sillimmatit, aningaasaliissutit 1.550.000 kr.-inik appartinneqassasut.

Aningaasaqarnermut Ataatsimiititaliap oqaaseqaatai

Sisimiuni reeferinut ikkuffiit amerlineqarnissaannut 2,7 mio. kr.-it tikillugit atorneqarnissaat Naalakkersuisut kissaatigigaat qinnuteqaammi matumani takuneqarsinnaavoq. Ukiumili matumani siunertamut 1,55 mio. kr.-it atorneqarnissaat pissusissamisuussasutut isigineqarpoq. Aningaasaliinissamik pisariaqartitsinerup sinnerata ilaa 2007-imi nalilersuiffigineqassaaq.

Reeferinut ikkuffiit amerlineqarnissaannut pisariaqartitsineq nukingiuttariaqartut pilersimasoq qinnuteqaammi atuarneqarsinnaavoq. Paasissutissiinermut tamatumunnga tupigutsaatiginninnini Aningaasaqarnermut Ataatsimiititaliap oqaatigissavaa. Pisariaqartitsinerli tamanna Inatsisartut Inuussutissarsiornermut Ataatsimiititaliaannut april 2006-imi ataatsimiititaliap angalalluni paasisassarsiornerani ilisimatitsissutigineqarpoq. Nukinginnartumik atorfissaqartitsineq taaneqartoq taanna taamaalilluni ukiup affaanik sivilunerusumik nalinginnaasumik ilisimaarineqareerpoq!

Sisimiunili ajornartorsiutit illersorneqarsinnaasumik sukkasuumillu oqilisaaffiginissaat eqqarsaatigalugu qinnuteqaat Aningaasaqarnermut Ataatsimiititaliamit akuersissutigineqarsinnaavoq. Aningaasaliinissamik pisariaqartitsinerit assingusut saqqummeriasaartillugit Naalakkersuisut sinissami sukkanerusumik qisuariartarnissaat ataatsimiititaliamit naatsorsuutigineqarpoq.

Pilersaarutip immikkoortua siullesq 2006-imi ingerlanneqarniarpoq qinnuteqaammi atuarneqarsinnaavoq. Matuma kingorna aningaasat qinnutigineqartut tamakkerlutik 2006-imi atorneqarnissaat Aningaasaqarnermut Ataatsimiititaliamit naatsorsuutigineqarpoq.

taamaalilluni aningaasaliissutit ilaasa 2006-ip naanerani Sanaartornermut Iluarsartuussinermullu Aningaasaateqarfimmut nunneqarnissaat pisariaqalissanngimmat.

Aalisakkerinermik suliffissuaqarnermi ataatsimoorussap iluani atuisut aningaasalersuinissaanerisa qaffasissusaata annertusiniarneqarnissaa Naalackersuisut sulissutigisariaqaraat Aningaasaqarnermut Ataatsimiititaliami Demokraatit ilaasortaatitaata qinnuteqaammut atatillugu immikkut oqaatigissavaa. Pingaarnertut pingaarnersiunerit pilersaarusiernerillu sulluunniit akimorlugit suliffissuaqarnerup iliuuserisartagai pisortat sanaartornermut aningaasartuuteqarnerannik akornutitaqanngitsumik nassaqartarnerat taamaalilluni pissusissamisunngilaq. Suliassat taama ittut manna tikillugu pisortanit tamakkiisumik aningaasalersorneqartarmata Demokraatinit ilisimaneqarpoq. Taamaakkaluartoq akisussaassuseqarnerup aningaasaqarnerullu akornanni siunissami suliassaqaqarfiup matuma iluani aamma ataqatigiittariaqaraluarmata Demokraatit isumaqarput.

Aningaasaqarnermut Ataatsimiititaliap aalajangiinera

Siuliini oqaaseqaatigineqartut innersuussutigalugit Naalackersuisunit innersuussutit Aningaasaqarnermut Ataatsimiititaliap **akuersissutigai**.

Inussiarnersumik inuulluaqqusillunga

Ellen Christoffersen
Aningaasaqarnermut Ataatsimiititaliami siulittaasoq